

欽定科場條例

項俱照例令其迴避。

一會試順天鄉試場內辦理供給之順天府治中通判其子弟姻族俱令迴避。

一順天鄉試凡監試科道及外簾各所官令都察院及該衙門於保送時將籍隸順天直隸人員先行查明扣除。

一兩翼副都統叅領章京軔門御史等官及順天府所委巡綽等官之子弟姻族俱不迴避。

一迴避士子考官等入場日。至公堂移會內外

簾官及場內執事各官將應行迴避各生姓名自行開出。彙單交知貢舉監臨。及至公堂監試御史詳加覆覈。行甄門點名御史於名冊扣除。仍揭示貢院外照牆。

一迴避官生毋庸另行考試。

一應行迴避各生本官入場之日不自行開出扣除。因而中式者本官革職。該生黜革。

一江蘇人員現任安徽司道安徽人員現任江蘇司道陝西人員現任甘肅司道甘肅人員現

任陝西司道以上等官及江蘇人任安徽學政
安徽人任江蘇學政並安徽甘肅人員現任江
寧西安省城首府首縣並未入場之各員其同
族有服制者及外姻各項於本省鄉試俱令迴
避。

一江蘇人員現任安徽知府直隸州安徽人員
現任江蘇知府直隸州如遇所屬州縣開送簾
官其同族有服制者及外姻各項於本省鄉試
俱令迴避。匿報者查出本官革職。

一陝西鄉試。現任陝西甘肅知府直隸州內。如有籍隸兩省之人。由監臨查明毋庸調取所屬州縣入簾。其子弟親族。即可不必迴避。

一江南鄉試內外簾官。不應調取安徽籍貫人員。以杜瞻徇。

一江南鄉試總河巡道等官。籍隸江安兩省者。如所屬並無入簾之官。其子弟親族毋庸迴避。一鄉會試考官。有與監臨知貢舉分屬至親者。遇開門進題進卷進供給時。俱毋庸與外簾相

見以社嫌疑

例案

順治十五年題准。除實係同宗。照例迴避外。其餘同姓無干之人。及先曾同譜。今遵

上諭。禁革連宗。絕往來者。應憑文去取。不准仍引宗誼避嫌。

乾隆元年覆准。給事中畢誼條奏。翁壻甥舅。係有服之姻戚。應令迴避。

乾隆三年。議覆刑部。郎中柴鶴山條奏。一族之

人雖服制減盡。親誼尙存。若五服以外。概不迴避。或考官閱文。將本族取中。未免有涉嫌疑。致滋物議。似非慎重科場之意。嗣後內簾官之無服本族。照舊迴避。其雖係同姓。並非本族者。不得開入迴避項下。以致混淆。

乾隆九年奉

上諭。向來主考同考官之子弟。俱令迴避。不准入場。雍正年間。蒙

皇考准其一體應試。亦未著爲定例。是以每科該衙門

以應否准其考試請旨。看來各科迴避官生多寡不一。若遇人少之年。則入彀甚易。於科場條例亦不盡一。自以照例迴避爲是。嗣後不必一體考試。欽此。此後

順天鄉試停止迴避卷。

乾隆十七年議覆御史常海條奏內場監試各官。雖無衡文之責。然身在至公堂。凡場內大小事務俱係伊等辦理。且日與士子相接見。其子弟若不令迴避。安保無代挾傳遞等弊。嗣後鄉會試除外場巡綽等官子弟。仍照舊例毋庸迴

避外其內場監試及提調知貢舉等官子弟俱令一體迴避。

又禮部具奏壬申

恩科會試迴避官生應否考試之處請

旨奉

旨迴避官生不必考試。欽此。

此後會試停止迴避卷。

乾隆二十一年議准御史陳大復條奏受卷彌封謄錄對讀各所均有承辦試卷之責。職守匪輕。若令其子弟姻族入場應試。安知不肖之徒。

無潛相關照之事。或禁例當貼。而竟不呈堂。或字句舛錯。而代爲改竄。甚至代人傳遞。諸弊叢生。難以悉指。嗣後俱令一體迴避。

乾隆二十二年奉

旨。據內監試御史德寧奏。伊族弟舉人富升額。今科中式。查係例應迴避之人。未經開出。實屬錯誤。請旨察議等語。科場迴避。載在條例。承辦場務之員。自宜詳悉檢點。何得至有錯誤。若僅照德寧所請。交部察議。不過拚一降罰處分。而舉子得違例倖獲。殊非祛弊。

金史卷一百一十五 禮志一
之道。富昇額著革去中式之名。聽其下科另行會試。
德寧仍著交部照例察議具奏。欽此。

乾隆二十七年議准。順天府尹羅源漢條奏。科
場迴避之例。原以杜請託而絕嫌疑。其實係同
宗者。固應迴避。而翁壻甥舅。均爲有服姻親。是
以一體迴避。惟妻之兄弟。與姊妹之夫。不在迴
避之例。於防微之法。誠有未周。況近例官員中
妻之兄弟。及姊妹之夫。爲上司屬員者。皆循例
迴避。則考試防閑。尤宜嚴密。嗣後凡遇有姻親

郎舅應試者俱令迴避。

乾隆四十二年奉

上諭科場外簾各官子弟迴避之例。節經御史條奏。禮部議覆准行。其中尙有未甚允協者。如監臨知貢舉監試提調總辦場內一切事務。其受卷彌封謄錄對讀收掌等官。亦各有承辦試卷之責。自應令其子弟迴避。以杜弊端。若兩翼副都統叅領章京。不過入場彈壓。事畢卽行出闈。與考試文字毫無干涉。至供給等所。並不與士子相見。卽順天府所委之巡綽等官。

止於號外巡查不能進號關照。又如輒門御史點名後例不入場亦可毋庸防範。所有副都統叅領章京輒門御史及供給巡綽等官嗣後俱不必迴避。卽自今年爲始著爲令。欽此。嘉慶九年奏准場內辦理供給之順天府治中通判照提

調之例一體迴避。

乾隆五十年議覆御史丁雲錦奏稱江南鄉試如有安徽籍貫人員現任江寧司道首府首縣者其子弟宗族姻親概行迴避不准入場等語應如所奏所有江寧省城司道首府首縣之安

徽籍貫人員其子弟宗族姻親概令迴避但須查明鄉試之期現在履任者方照此辦理若屆期改任別省及業經回籍者不在此例至該御史又稱內外簾官不應調取安徽籍貫人員應請一併嚴禁等語查江南鄉試內外簾官向無調取本省人員之事但未明立科條恐臨期調取辦理易滋混淆應如所奏載入科場條例俾有遵守再查陝西省城司道首府首縣亦准用甘肅籍貫人員其子弟等卽在西安鄉試亦應

照此畫一辦理。

乾隆五十三年議覆安徽布政使陳步瀛奏稱
嗣後籍隸江蘇人員現任安徽司道以上等官
耆子弟親族概不准應江南鄉試至安徽知府
直隸州中亦有籍隸江蘇之人如所屬州縣開
送簾員其子弟姻親概令迴避等語查江蘇安
徽鄉試簾員兩省分派其情形與各省迴別雖
定例防範綦嚴而嫌疑尤不可不避據該布政
使奏稱該員籍隸江蘇雖本年並不承辦科場

子弟親族。例得與試。第以本省上司子弟爲所屬州縣呈薦取中。卽毫無情弊。未免迹涉嫌疑。請嗣後籍隸江蘇人員。現任安徽司道以上等官。其子弟親族。概不准應江南鄉試。至安徽知府直隸州中。有籍隸江蘇人員。遇所屬州縣開送簾員。其子弟親族。亦一體迴避。俱自行造報監臨提調查覈。如有朦混入場者。查出嚴行叅處各等語。自爲嚴立防範起見。應如所奏辦理。惟是籍隸江蘇。現任安徽之府州。旣定有迴避

屬官入簾之例。則原籍安徽之現任江蘇府州者。應一體迴避。以免兩歧。於防範更爲周密。再查陝西甘肅鄉試。向係合爲一場。其現任官員之分隸兩省者。亦與江蘇安徽無異。除籍隸甘肅現任陝西司道首府首縣等官。應承辦科場者。業經禮部於議覆御史丁雲錦條奏案內奏明。該員等子弟親族。均不准在西安鄉試外。其甘肅司道。如有籍隸陝西之員。亦應倣照江蘇現任安徽司道等官。迴避屬員入簾之例。畫一

辦理至現任陝西甘肅之知府直隸州等員查陝西原籍現任甘肅直隸州者止有一員甘肅原籍現任陝西府州者並無其人且內外簾官陝西甘肅所用比之江南爲數減半其情形微有不同然亦不得不嚴爲防範請嗣後現任陝西甘肅知府直隸州內如有籍隸兩省之人卽由監臨巡撫查明毋庸調取該府州所屬之州縣入簾以杜瞻徇則其子弟親族卽可毋庸迴避

乾隆五十七年。安徽學政秦潮奏准。查乾隆五
十三年奏准。江蘇人現任安徽道府直隸州以
上者。子弟親族。概不准應江南鄉試。而於奉差
人員。未經議及。臣籍隸江蘇。蒙

恩簡膺安徽學政。三年中。安徽州縣因公接見者甚多。
秋間辦理遺才。又須親至江甯省城錄送。事涉
嫌疑。自應將臣本家應江南鄉試之貢監生員。
不論親疎遠近。遵照地方官之例。檄令迴避。
乾隆六十年。咨准。查迴避名單。僅憑入場各官。

自行開載向無查覈辦理。往往參差不一。合再申明定例。凡內外簾各官。應行迴避姓名。先令本人自行開出。彙單交知貢舉監臨及監試御史。詳加覆覈。凡子弟宗族外姻內。如外祖父舅甥翁壻。嫡姊妹之夫。妻之嫡兄弟。嫡姑之子。舅之子。母姨之子女。女子。概令照例迴避。

嘉慶二年。議覆御史繼善奏稱。凡遇文鄉會試。正副考官。知貢舉監臨提調。及內外簾監試御史。雖毋庸照士子例。凡屬本族近親。概行迴避。

而祖孫父子兄弟叔姪。非僅同族親誼可比。應令一體迴避等語。查內外簾重門封固。公閉公開。無事原不能相見。卽進題進卷。進供給。亦皆監試御史。與大小官員。內外人役。隔門肅立。一言一動。共見共聞。實不能私通密語。是以向無互相迴避之例。今據該御史奏稱。分屬至親。恐有瞻顧迴護。固屬法不厭詳之意。但正副考官。俱係欽遵乾隆五十四年

諭旨。全行開列。若處處行查。人人互註迴避。殊爲煩瑣。

查考官非止一員。遇有開門。原不必全出。應請
嗣後鄉會試。知貢舉監臨。如與某考官分屬至
親者。此一考官。卽毋庸與外簾接見。已足以杜
嫌疑。可不必於開列時。紛紛互註。至內外簾監
試。並無閱卷之責。應與至公堂之監試提調。均
照向例。毋庸迴避。

嘉慶八年議准。左副都御史陳嗣龍奏稱。鄉會
試現行事例。有宜迴避而不迴避者。如姑夫外
姪。似與例應迴避之甥舅。不甚懸殊。較同宗無

服者爲更親。應一體迴避等語。查科場定例。凡考試官之本族。不論籍貫之同異。服制之有無。均行迴避。其外姻則惟迴避有服之親。乾隆二十七年。順天府尹羅源漢以妻兄弟與姊妹之夫。雖無服制。而誼屬至親。奏請一例迴避。臣部以其爲防弊起見。覆議准行。今副都御史陳嗣龍請將考試官妻之胞姪與胞姑之夫。一例迴避。亦係例外推廣。與羅源漢所奏事同一體。應亦如所奏辦理。

嘉慶九年奏准。凡考試官外姻有服親眷。悉行迴避。惟例載女壻迴避。而孫女壻以無服制。仍在不應迴避之例。伏思女與孫女相去不過一間。則女壻與孫女壻相去亦不過一間。其情誼關切。實甚於有服外姻。嗣後應令孫女壻與女壻一體迴避。

又奉

上諭。汪志伊奏。本年江南鄉試監臨懇請令安徽撫臣辦理一摺。江南文闈鄉試。本年輪江蘇巡撫監臨。汪

志伊籍隸安徽其子弟親族及至戚人等自當照例迴避。至同姓不宗及疎遠親故於例本不迴避。汪志伊祇須心存公正何必以迹涉嫌疑爲此例外之請。卽如順天鄉試朕所派監臨及執事人員甚多若概因疎遠之親戚故舊紛紛引嫌迴避將何人可以簡派乎。且該省監臨係上下兩江輪流辦理今歲卽改派王汝璧下屆仍應該撫輪辦。豈汪志伊久任江蘇總不與監臨之事耶。所有該撫奏請令王汝璧監臨本科鄉試之處著不准行將此諭令知之欽此。

又奉

上諭陳嗣龍奏鄉試科場辦理供給之順天府通判治中。每日入場專司供給並照料舉子粥飯管理水火夫役倘該員等有本家親戚入場應試難保無滋生弊端請照提調之例一體迴避以昭慎重等語著照所請自本科鄉試爲始均行迴避並著纂入科場條例欽此。

嘉慶十二年奏准八旗覺羅入場官員迴避向無明文若本族同族概令迴避則八旗覺羅俱

係本族未免格礙難行。請將同族有服制者。令其迴避。其餘姻親。悉照入場官員之例辦理。又定例。宗室鄉會試。祖孫父子。及同胞叔姪兄弟。應行迴避外。其餘姻親。應否迴避。從前未經議及。嗣後宗室應試。所有切近姻親。亦請照入場官員之例。一體迴避。

又咨覆安徽巡撫。前據安徽歙縣舉人方椿呈稱。有江西籍翰林院編修方振。認歙縣作原籍。聲言會試同考。舉人須要迴避。竊思歙縣古姓。

支族不一。舉人方姓，係廣公支下澄塘族。方振
方姓，則自稱係度公支下橋西族。查二族分自
宋時，閱今五百餘年，其非一族甚明。況方振入
籍江西，又經數代，從未到過原籍，何因迴避澄
塘族人，今方振雖未入場，恐留日後爭端，呈請
行查到部，當經本部咨查該撫及翰林院，旋據
安徽巡撫查明，編修方振實係橋西族人。與舉
人方椿並非一族，將兩族宗圖印甘各結送部。
又據翰林院查明，編修方振之曾祖由安徽歙

縣遷居江西南昌縣與澄塘方氏分支多年雖
係同姓並非一族咨部駁辦等因查安徽歙
縣舉人方椿與江西籍編修方振雖係同姓並
非一族自應照例毋庸迴避

嘉慶十三年議准御史張世彥奏順天文武鄉
試凡監試科道及外廉各所官請將籍隸順天
直隸人員扣除一摺查本省人員應否迴避之
處例內並無明文今據該御史奏稱順天鄉試
監試外廉等官以本籍之人充本籍之差恐尙

有徇縱等情。係爲防弊起見。應請嗣後順天文武鄉試。凡監試科道。及外簾各所官。令都察院及各該衙門於保送時。將籍隸順天直隸人員。先行查明扣除。

嘉慶十五年議覆安徽巡撫廣厚奏江蘇人員現任安徽知府直隸州。安徽人員現任江蘇知府直隸州。如遇所屬州縣開送簾官。向來遇有同宗本族。及疎遠姻親。從未往來謀面者。亦俱格於成例。不得遂觀光之願。未免向隅。請嗣後

如疎遠親族似可免其迴避。陝西甘肅二省並請畫一辦理等語。查例載入場官員之子弟姻族俱令迴避等語。均指入場官員而言。惟江蘇安徽二省同場鄉試。向例凡江蘇現任安徽及安徽現任江蘇學政司道人員並江寧省首府首縣及兩省知府直隸州所屬州縣有開送簾官者。雖本身並未入場子弟親族係一體迴避。自屬杜漸防微之道。第本身並未入場與本身現在入場者。雖屬有間。例內只統言子弟姻族。

遂至相沿將疎遠親族平時並未識面者。概屏諸場屋之外。似亦未得情事之平。所有江蘇安徽並未入場。應行迴避各員。應請比照覺羅入場人員之例。同族有服制者。令其迴避。其餘服盡應同凡論者。自可准其考試。至外姻各項。該撫祇奏稱翁婿舅並妻兄弟及姊妹之夫。而於外祖父妻之胞姪嫡姑之夫嫡姑之子舅之子母姨之子女之子孫女之夫。未經議及。應仍照入場官員之例一體迴避。並行文陝西甘肅

二省亦照此辦理。

嘉慶十六年奉

諭榮麟等奏彈壓副都統策丹之孫明訥明誼應否迴避請旨一摺。榮麟等既查明定例。兩翼副都統之子弟均不迴避。自應照例辦理。即使伊等另有所見。亦祇應場後條陳。不當於考試之際。猝議更改舊章。今頭場既准該舉子應試。忽諭令其不進二場。成何事體。榮麟等著申飭。明訥明誼著照例毋庸迴避。欽此。

道光元年。吏禮二部。軍機大臣。會議增改科場迴避各條。凡子弟及同族。除支分派遠。散居各省各府。籍貫迴異者。毋庸迴避外。其餘雖分居外省外府。在五服以內。及服制雖遠。聚族一處之各本族。並外祖父。翁壻甥舅。妻之嫡兄弟。妻之姊妹夫。妻之胞姪嫡姊妹之夫。嫡姑之夫。嫡姑之子。舅之子。母姨之子。女之子。妻之祖孫女之夫。本身兒女姻親。概令照例迴避。

道光七年。本部議覆大學士兩江總督蔣攸銓

奏江南鄉試迴避成例。量爲變通等因。一摺。查科場條例內載。乾隆五十三年議准。嗣後籍隸江蘇安徽人員。現任兩省司道以上等官者。子弟親族。概不准應江南鄉試等語。誠以兩省合考。恐入場簾官。有迎合上司情弊。故定例不嫌從嚴。茲據該督奏請於迴避成例。量爲變通等語。查巡撫兩司統轄全省學政。辦理遺才。至省城道府首縣。本有經理場務之責。如係籍隸兩省者。遇鄉試時。其子弟自應迴避。以杜弊端。此

外如總河僅轄沿河州縣。巡道所屬僅有數府州。若概令與巡撫等官一律辦理。似乎無所區別。伏思簾官入場。於所轄上司子弟。誠恐有囑託等弊。至非其所轄之上司。平日本無交涉。臨時亦不致瞻徇。自應量爲變通。應如該督所請。嗣後籍隸江安兩省者。除巡撫兩司學政。省城道府首縣。仍照向例辦理外。其總河巡道等官。遇所屬開送簾員。亦應照例迴避。如所屬並無入簾之官。其子弟親族。應准其一體鄉試。俾得

就近觀光。以廣登進。仍請責成監臨。於派撥簾員時。分別嚴查。如有朦混入場者。照例治罪等因。具奏奉

旨。依議。欽此。

道光八年奉

上諭。鄧廷楨奏。本年戊子科江南鄉試。輪應安徽巡撫入闈監臨。惟籍隸江寧。住居省會。據實陳明。請旨等語。本年戊子科江南鄉試。著派陶澍入闈監臨。欽此。道光十四年議准。安徽巡撫鄧廷楨奏。江南鄉

試籍隸江蘇安徽官員之無服族人應否照例毋庸迴避等因一摺奉

硃批禮部議奏欽此查江蘇安徽兩省士子向歸同場鄉試凡江蘇現任安徽安徽現任江蘇司道以上等官子弟親族令其迴避誠以鄉試簾員兩省分派本省上司子弟爲所屬州縣取中非所以杜絕嫌疑而疎遠親族服制已盡情誼亦疎未便概屏諸場屋之外所以則例內載籍隸兩省官員現任司道以上同族有服制者及外姻

各項概不准應江南鄉試。定例言司道以上巡撫卽在其內。例文明備。並未令將無服族人一概迴避。又科場條例所載。嘉慶十五年。議覆前任安徽巡撫廣厚奏准。凡江蘇現任安徽安徽現任江蘇學政司道人員。本身並未入場。同族有服制者。令其迴避。與則例實相符合。至巡撫並未議及者。當時係照該撫原奏核覆。與例參觀。司道以上事同一律。該撫所稱戊子辛卯壬辰三科。所有無服族人。均經查明監臨。不准入

場由該撫未能詳核例文以致辦理不符。應請旨飭下安徽江蘇各巡撫。嗣後江南鄉試。應遵照定例。凡江蘇籍貢。現任安徽安徽籍貢現任江蘇司道以上官員。本身並未入場。應令外如各項及同族有服制者迴避。同族無服制者准其考試以符例義。而昭畫一。

道光三十年。本部具奏。庚戌科會試同考官卓標。係正考官卓秉恬之子。應否迴避等因。奉
御筆。著迴避。欽此。

咸豐元年覆准。據戶部候補郎中何兆瀛呈稱。係江蘇江寧縣人。丙午科中式順天鄉試舉人。緣翰林院編修何桂芬。亦係江寧縣人。同官京師。又同籍貫。且職父汝霖。係嘉慶癸酉科拔貢。該編修之胞兄何其興。係癸酉科舉人。彼此因科分同年。遂以兄弟輩行稱謂。是以庚戌科會試。該編修充同考官。臨時不及查核。將職照同族之例迴避。未經會試在案。今查得該編修祖籍安徽。前明移籍江寧。職祖籍江西。康熙年間。

移籍江寧兩家親族隣佑均知實非同族爲此
取結呈明等因經本部行文江蘇巡撫查明何
兆瀛祖籍實係江西大庾縣自康熙年間移籍
江寧與何桂芬住居同城並非一族何桂芬係
上元縣籍貫取具隣佑甘結咨部查照前來查
江蘇江寧縣舉人何兆瀛既據該撫查明實係
原籍江西大庾縣自康熙年間移籍江寧與上
元縣編修何桂芬並非一族自應照例毋庸迴
避。

附載

道光二十七年准吏部查覆官員士子出繼降服於本生親屬迴避條例

一在京各部院尚書侍郎以下小京官以上嫡親伯叔兄弟若在同衙門令官小者迴避同衙門補授同官應迴避者令候補者迴避大功服兄弟係堂司令官小者迴避同係司官毋庸迴避祖孫父子名分攸關係堂官概令司員以下迴避係同官無論候補及官小者概令其子其孫迴避外姻親族中母之父及兄弟妻之父及兄弟嫡親姑舅之子本身兒女姻親已之女婿嫡甥若在同衙門分係堂司令官小者迴避如係同官無管轄考核之責免其迴避再戶部總理錢糧刑部總理刑名所屬司官有應行迴避之宗族陞調至所蒞司分外省在藩臬以上者該堂官卽令調司行走咨報吏部註冊將來陞遷事故仍照原授底缺辦理出差人員有陞至同衙門者俟差竣之日再行令其迴避又五城司坊官員職司緝捕刑名係京官之有地方責

任者。應照外官應行迴避之宗族親族辦理。如現任及揀發委用司坊官員。有應行迴避都察院堂官者。卽行離任。仍照例赴部投供。按班揀補。如應行迴避巡視本城之科道者。由都察院奏明。與別城揀選對調。外官有關係刑名錢糧考核糾參。不分遠近族中。俱令官小者迴避。同族近支之人。不准司鐸一學。均令一體迴避。若外姻親屬中。父之姊妹夫。母之父及兄弟。母姨之子。妻之祖。妻之父。妻之兄弟。妻之胞姪。妻之姊妹夫。已之女。婿嫡甥。女之子。嫡姊妹之夫。孫女之夫。本身兒女姻親。中表兄弟。俱分屬至親。同在外官。不能無所瞻顧。亦應令官小者迴避。至子婦之親兄弟。親屬漸遠。毋庸迴避。並例應迴避之親屬。如業經出繼。亦毋庸迴避。

附載舊例

雍正元年奉

上諭。諭大學士等。此番鄉試落卷。著大學士王碩齡。尙

書勵廷儀署吏部侍郎內閣學士史貽直戶部侍郎張伯行李周望兵部侍郎阿克敦副都御史李紱同南書房翰林檢閱如人不足於翰林院編檢內揀選十員再此番係雍正元年特恩加科有因迴避考官不會應試者殊屬可憫卽令派出大臣擬題奏請俟朕點出於內閣考試欽此

又定迴避子弟於

午門內試以四書文二題經文一題表策各一題

限一晝夜完卷

又奉

旨覽鄉試迴避士子試卷首卷儘可中式次卷在可中不可中之間三卷四卷俱中不得但係雍正元年特開恩科其迴避士子內第一第二第三第四並落卷九人內第一第二卷共六人俱著取中爲舉人以示朕鼓勵人文之至意欽此

雍正二年奉

上諭鄉會試爲掄才大典內外簾官子弟理應迴避但跋涉數千里志切觀光既至京城不得與試殊屬可

憫朕於上科特降諭旨另行考拔。然此只可暫行。不便著爲定例。今科凡官員入場者其子弟著一體應試。將試卷另封進呈。朕派大臣校閱遴選。庶人才不致屈抑。欽此。

又奉

上諭。今歲應迴避子弟殊卷。朕已另派官員。公同詳閱進呈。今朕閱定中式四名。爾等可將場內所取之卷。一同比並酌定名次前後填入榜內。再有四卷。爾等可與場內文字比較。應取中者取中。不應取中者不必取中。此四卷係已經選出者。爾等不必避嫌。欽此。

乾隆元年奉

旨。內外簾官子弟應行迴避者著另行考試。乾隆元年會試及鄉會恩科准於常額之外寬餘取中。以示鼓勵。其作何另行考試出榜之處著禮部速行妥議具奏。欽此。遵

旨議定。查雍正元年迴避子弟於

午門內試以四書文二題。經文一題。表策各一題。限一晝夜交卷。較之場內士子似覺勞逸未均。

請仍於闈中另編坐號。歸於一處。以便稽查。但舊例闈中試題。考官密擬落進。

呈

欽定今考官既有子弟入場。則出題恐涉嫌疑。所有迴避題目。曾試由禮部堂官。鄉試由順天府尹。先期奏請。

欽定四書三題。於初七日密封。轉交場內刊給。經題及二三場題。仍用闈中之題。一體考試。

附載駁案

嘉慶四年奉

旨。禮部議准。御史郭儀長條陳。鄉會試迴避卷。請另編坐號。將硃卷另封進呈。欽派大臣秉公校閱一摺。所議非是。迴避舉子。另行考試。雖屬舊例。嗣於乾隆年間奉

時旨停止。蓋每科鄉會試。主考簾官。至下科未必復行簡派。其子弟迴避者。不過停試一科。下科仍可應試。並無礙登進之路。今據禮部奏稱。此項迴避卷。請旨

取中一二名。如俱係平庸之卷。卽全不取中。既無定額。卽難著爲成例。設使例應迴避者。僅止數卷。亦請特派大臣校閱。吏屬無謂且指內稱迴避各卷。全行進呈。將去取之故。於卷面黏貼黃簽。以備比較。亦屬紛煩。不成事體。朕於臣工條奏。交部覈議者。原以試看各該堂官等識見如何。自應酌其事理。分別准駁。並非一經交部。卽可議准也。禮部所議不准行。欽此。

道光九年。准兵部咨查

殿試讀卷堂銜。兵部右侍郎賈允升。有子賈楨。係此次會試同考官。應否迴避等因。查科場條例。並無讀卷大臣迴避同考官之例。所有兵部右侍郎賈允升堂銜。自應一體開列。

道光二十七年。奉

上諭。從前鄉會試迴避士子。雍正年間。曾於內閣另行考試。或將試卷另封進呈。派員校閱。均係出自

特恩。並未著爲定例。迨乾隆年間。卽經先後停止。嗣因御史睦朝棟率行陳請。瞻顧徇私。當奉

嚴旨。將該御史拏交刑部治罪。至嘉慶四年。復有御史

聖特

郭儀長條陳此事。經部議准。仍奉
旨駁飭。是迴避士子。另行考試。事屬難行。登奉
訓昭垂。豈容臣工任意瀆請。祝慶蕃現任禮部尚書
明知此事。早經停止。乃因本科迴避士子。人數較多。
獨出已見。率行面奏。實屬沽名釣譽。冒昧瀆陳。著交
部嚴加議處。嗣後鄉會試迴避士子。無論人數多少。
其另行考試之處。並著永遠停止。欽此。

科書卷二十六

附錄

貢院

現行事例

凡貢院京師江南浙江江西福建山東山西河南湖南湖北廣東廣西四川陝西雲南貴州鑄立凡十有六京師順天府委員經理直省事鑄布政使司

一修理貢院該管官務委妥員將貢院大門

加看守。夫匠工役每日搜明放入。不許閑雜人等出入。凡內外官房。舉子號舍。及一切牆垣。道路關涉內外者。無得稍留隙縫。均宜修整完潔。周圍徧覆棘刺。更道路口。各設柵欄。工竣。委大員將號舍。徧行搜驗。有無土色鬆浮。埋藏字。以及梁頭屋角。藏塞遺棄字紙文稿。悉行查銷。燬驗畢。封固。用印文移交提調。以專責成。如有預將文字。埋藏號舍。及出入處所。該官

等官。能查出。送官究辦。

覺者照容隱例議處其通同作弊受賄者與作弊之匠役人等一併交刑部計贓治罪。

一場內巡更巷道毗連號舍之處概用牆垣截斷作爲空地禁止人役往來行走所有窩鋪席棚俱不許挨牆搭蓋

一京師貢院每逢鄉會試年先期修理直省三年一修由順天府尹直省督撫咨戶工二部覈銷如遇

恩科其修理事宜撙節辦理不得援照常例浮冒開

報。

一各省貢院添建號舍房間由該督撫覈實具題禮部題覆其動用公項及估計興修各事宜由戶工二部定議。

一京師貢院東西甬門由大興宛平兩縣按月輪派信實妥役四名前往看守考試時不得令原派之人在場執事至貢院前一帶街道科場時務打掃潔淨平坦鄉試由該地方官飭行會試由禮部行都察院轉飭南城兵馬司辦理。

一京師貢院。每段派委官一員專守。監臨知貢舉等
往來督率。按卷驗明印戳。令舉子由甬道兩
入號。毋任駐足。交卷後由甬道徑出。不得偏
號舍。

例案

順治二年定臨場雖有搜檢之法。而場內供
員役。或有預將文字埋藏號舍。及出入處所。
臨官宜嚴行禁約。容隱者連坐。

順治十五年題准貢院宜圍牆高峻溝渠寬
如修理因循怠忽者在外聽外巡察在內聽內
監試指名叅處。

順治十六年議准謄錄對讀號舍工部責成
官苦蓋修葺若有圯壞傾倒等弊知貢舉及
臨提調會同叅處。

康熙五十三年覆准嗣後貢院可漸漸牆垣
令高堅修築前經部議在案。

欽定四庫全書

雍正元年重准中式

大興縣志卷之六

審實將不行查出之賄臨提調監試進京各官
照容隱例降二級調用如通同作弊受賄
刑部計贓治罪

雍正八年議准至公堂監試御史停止隨
帖式卽以筆帖式所住官房令至公堂書
事以便與謄錄人等一例封鎖關防不必
公堂上搭蓋蓆棚

雍正十年議准京師貢院號房將輒土坐

爲坐板

乾隆元年覆准貢院外圍牆應行順天府府志轉飭大興宛平兩縣於修葺貢院時按照舊樣將圍牆一週徧覆棘荆仍照例具冊報銷

乾隆三年會覆山東巡撫法敏疏稱內廳監試房屋應需建造貢院號舍原止一萬間近應試人多號舍不敷亦應添建等語應如所請准其添設內簾監試官房六間大門一座號舍

又咨准工部文稱。准護理湖南巡撫張渠咨稱。查今歲頒發科場條例內。新設內監試官。闈內並無空閒房屋。且監試必須貼近試官。今簾官房後。尙有空地。儘可建造。應建正房三間。兩廂房各三間。耳房各一間。四週圍牆門樓一座。中築臺階甬道等語。查添建簾官房屋。事隸禮部。咨禮部定議。查乾隆元年。總理事務王大臣等。覆准侍講鄒升恒條奏。外省鄉試。亦照順天鄉試之例。添設內簾監試官一員。今該撫旣稱。闈

中並無空房。可作內監試官房舍。應准其添建。至動用公項。聽戶部定議。其估計房垣。事隸工部。咨覆工部定議。

又覆准。江南增添各簾官應需房屋。均應添建一疏。內稱貢院原建號舍。共一萬六千三百二十一間。年來應試士子日增。號舍實屬不敷。亦應擴充寬展。但貢院內並無隙地。惟貢院之東。有姚家頭條巷地方。居民房屋緊貼院牆。可以購買。其巷內居民大小樓房披廈。共二百七十

九間丈勘基地。折方四百十九丈七尺。可建號舍一千五百七十四間。應將貢院舊存窄小號舍。并逼近號底者。截去六百九十一間。於隙地改建。及添設內外簾官各項房屋。除截去并增添新舊號舍。共計一萬七千二百四間等語。查增添各簾官房屋。并增添號舍。均應准其置買民房改建。

乾隆六年。准廣西巡撫咨稱。內簾拱棚。卽接連衡鑒堂。因衡鑒堂淺窄。從前蓋以竹棚。爲主試

房考公同閱卷之所。因竹棚易於朽爛。既非久
遠之圖。且竹棚難避風雨。是以建造瓦木拱棚。
五間軒敞堅固。雖例無明文。但既爲主考官公
同閱卷之所。則因事制宜。實屬萬不可少之公
廨等語。查廣西貢院內簾拱棚。該撫既稱係主
考房官公同閱卷之所。萬不可少。應准其建造。
咨覆該撫。

又議准。御史忒桂等條奏。於東西文場搭蓋蓆
號之處。添建輦號。請

勅下順天府府尹先度地址定添多寡於鄉試之前會同工部派員估辦。

乾隆九年大學士九卿遵

旨議准。

諭旨恭載搜檢士子門。凡遇大比之年先期委員修葺

貢院誠恐匠役書吏人等有受舉子之賄囑先將文字埋藏號舍應令委查之員將貢院大門嚴加看守一應匠役人等每日搜明放入仍不許閑人混雜進院工竣之時另派大員將號舍徧行搜驗有無土色影鬆浮埋藏文字之處驗畢

封固。

乾隆十年覆准。御史黃元鐸條奏。凡遇文武鄉會試之年。飭令順天府於修理試院之時。委員督查夫匠工役。不許閑雜人等出入。事竣用府尹封條封固。打掃號舍時。凡梁頭屋角。藏遺字紙文稿。悉心搜查銷燬。號口柵欄。加意修整堅固。用印文移交提調。以專責成。

乾隆二十七年奉

上諭。貢院爲掄才重地。其無名搜檢處所。前已飭部定

議新開東西二門。今若於照牆南。再增新甬門二座。將大門儀門並易三間爲五間。俾士子俱由兩旁四門魚貫分進。實爲事半功倍。欽此。

乾隆二十年覆准。貢院更道橫牆。與貢院大牆逼近。且與號舍相連。自應高砌。以防閑人混走。牆上堆垛棘刺。以防踰越。其至公堂外兩旁更道路口。設立柵欄封固。派員防守。不准閑人挨近。均交與承辦場務官員遵照辦理。

乾隆三十六年覆准。監察御史鳳陞阿等條奏。

貢院東西轍門。令大興宛平兩縣按月輪派安
役四名。前往居住看守。屆考試時。所有外龍門
啟閉。及張掛告示等差。另行派役專管。不得仍
令原派看守之人。在場執事。至南面闌牆。牆內
蓆棚。經順天府會同知貢舉。令承辦官將厨竈
離牆二尺。增設後層蘆蓆。其牆外蓆棚。亦交承
辦官撤除。移置僕從夫役。應令各該員嚴加管
束。仍令知貢舉監臨監試等官。嚴加稽查。如有
往來通綫形迹。立即嚴拏根究。

乾隆五十二年奏准場內巡更巷道毗連號舍之處概用牆垣截斷。作爲空地禁止人役往來行走。

乾隆五十七年監臨伊齡阿劉權之奏准士子黥名受卷後向例於龍門內

欽派大臣稽查接談換卷立法至爲嚴密。但甬通東西號舍相望最易滋越號代倩之弊。此次於甬道兩旁由至公堂至龍門豎竹牽繩分五十二段每段派委官一員專守不時往來督率令其按

卷驗明印戳。由甬通下兩旁分送入號。毋任駐足羈留。交卷後。均令領籤由甬道徑出。不得任意偷歸號舍。卽水夫雜項人役。亦不敢輕越攔本。私相授受。此事行之。既有成效。如用杉篙。做成柵欄。所費無多。而於防閑之道。不無裨益。會試在邇。請

勅下順天府照式辦理。收貯明遠樓。臨期按段排列。不惟可弊竇。兼可以肅觀瞻。

乾隆六十年。禮部侍郎鐵保奏准貢院內將號

望樓添築時級每遇鄉會試責成知貢舉監臨
兩翼副都統監試御史等輪流親往不得僅委
員役巡查

嘉慶十二年順天鄉試監臨王麟等奏稱東西
號舍共有九千二百餘間本年鄉試士子計有
九千七百數十名先經順天府因坐號不敷援
照上屆章程於隙地搭蓋蓆棚設桌分號惟查
號舍之制每號七八十間不等號首設立柵欄
尾牆外卽屬更道巡邏防範立法綦嚴至柵號

一項係於各處相度隙地支蓋其中不分間數稽查稍有不周必至叢生弊竇且火燭既屬可虞風雨又難捍蔽是棚號之添設祇可出於權宜不能行之經久臣等於三場事竣後周歷東西各號相度情形其中尙有餘地可以添建號舍隨帶同在闢書吏逐段丈量悉心籌畫有於本號頭尾酌添者有於隙地建設者有將委員房屋拆移他處就地改設者有於更道寬處量加添設者通計可添號舍八百數十間之現

在各號共得一萬一百餘間以後人文日增鄉試士子足敷編坐毋庸添搭棚號等因具奏奉

旨玉麟劉鑑之奏請增添貢院號舍一摺著工部堂官

先行詳細履勘貢院中隙地實在可添號舍若干其

地段是否嚴密確查具奏再行派員辦理欽此

是年工部

調取順天學政衙門原擬底冊履勘共可增號舍八百九十二間嗣經查估大臣奏准除東西都統房前擬蓋號舍一百六十三間暫停添蓋應增添號舍七百二十九間

嘉慶二十年議覆御史胡承珙條陳科場弊竇

一摺奏請貢院甬道兩旁安設柵欄以杜傳遞

一節查例載京師貢院於甬道兩旁自至公堂至龍門樹以柵欄每段派委官一員專守至各省貢院地勢寬狹不同是否可以一律增設之處應由各該省督撫相度形勢酌量辦理總期防閑嚴密以杜弊端。

道光五年內閣抄出湖廣總督李鴻賓等奏湖北省貢院舊基本屬窄小其中號舍鱗次地土卑溼士子棲止作文頗形踣躓茲值乙酉科鄉試據武昌等府紳士呈情願公捐銀兩另於

貢院東隙地。改建號舍一千餘間。並因點名處
所狹隘。請生按牌進院。難以容立。購買民房拆
卸拓展。以免擁擠等情。當經批飭司道會議。經
費不足。卽由院司道府捐廉添助。據藩司督同
首府縣帶同紳士赴院詳細覆勘。卽令該紳士
選擇董事黃兆台等。鳩工庀材。一律告成。並經
親往覆勘。均屬改造合式。該紳士等急公好義
實堪嘉尚。現飭查捐輸銀數。分別給與扁額。以
示獎勵等因。一摺奉

硃批知道了欽此。

道光八年四川總督戴三錫奏川省貢院號舍原有六千三百六十餘間近科以來通省士子踴躍觀光人數增多學政考錄科舉遺才限於號舍不便多取第念該士子等或遠涉邊境山路遙遠擔簦負笈而來苟其文理清順乃因號舍數滿不令入場未免向隅臣與司道等公同捐廉在貢院內隙地添建號舍一千二百間等因奉

硃批。好依議欽此。

道光十五年奉

上諭。何淩漢等奏請添改貢院房間等語。貢院爲掄才重地。據該管府尹等查看得聚奎堂西邊副考官房間。及同考官房屋。量爲修改添建。著卽趕緊購料興工。務於本年鄉試前一律完竣。此項工程係大興宛平兩縣捐辦。著免其造冊報銷。欽此。

附載

雍正十一年題准。貢院房舍向無官員管理。應將順天府照磨一官移駐貢院。就近發給官房。

一所居住令其掌管貢院。

附載駁案

嘉慶二十年議覆御史胡承珙條陳科場弊竇一摺內稱士子希圖僥倖於修理試院運送器物之時賄囑書吏匠役帶進文字埋藏號舍等語查例載凡大比之年修葺貢院誠恐匠役書吏人等有受舉子賄囑先將文字埋藏號舍令委員將貢院大門嚴加看守一應匠役人等每日搜明放入不許閑人混進工竣另委大員將房舍徧行搜驗有無土色鬆浮埋藏文字之處驗畢封固防閑已爲周密該御史所奏應毋庸議。

道光十一年大學士軍機大臣會同禮部議覆給事中劉光三奏稱順天科場之弊案由該部而欲禁輒門之擁擠宜先從輒門外設法之止惟於東左西右兩輒門外各設一門一門一門

右門之西亦設柵

門一座入場之日嚴行嚴

守不使相通其軌

內亦用木欄截分爲四路

各不相踰前期順天府出示曉諭某旗某省某

府士子應入某某等衙門赴某執門聽點入場

日各衙衛口設高懸牌一面大書某處士子由

此入並移會步軍統領衙門嚴諭看街兵丁除

王大臣外一概車馬不准放入等語查添設柵

欄原爲疎通擁擠起見當經片詢順天府據稱

查貢院之東逼近城根居民鮮少士子小寓多

在貢院之西如設柵欄關阻各不相踰該士子

等勢必繞道行走且恐有不肖士子不遵約束

寓於東者闖而至西寓於西者闖而至東雖官

役嚴阻恐人數衆多未入執門先形壅塞至某

處士子應由某衙衛進一條則士子於衙衛口

外卽應下車攜帶考具行至執門遠者里餘恐

老弱不等力有未逮則挨牌聽點尤難免遲速

之虞等因臣等伏思執門以外街道狹窄今復

某處士子應由某衙進，不獨士子等在衙口外，卽應下車，攜帶考具，走赴貢院。老弱力薄之人，行走落後，難以聽點，且遠方士子於地面街道不熟，必多歧誤。蓋大門散卷處之擁擠，由於內轆門之不及搜檢，開然直入所致。而轆門之不能攔阻，聽其直入者，又由外轆門內未點名之先，人早塞滿，一開開點，盡數擠入所致。應仍循舊章，於外轆門外置牌若干面，將應點名次書寫牌上，嚴飭各士子按牌前進。如有混行擠入者，卽行究辦，則懲一儆百，場規自肅。所有轆門外添設柵欄之處，應毋庸議。至轆門以內用木欄截，分爲四路，不使相踰，事屬可行。應如所奏辦理。

道光十六年，本部議覆御史帥方蔚奏稱：順天學政宜有公署等語。查學政全書內載：學政駐劄衙門，一切規模體制及考試關防處所，均有定式。各省一體奉行。惟查順天學政向有衙署，在城內胡同內，久已坍塌。該學政均係住居

私宅更役人寺僧寓寺等處凡遇鄉試之年即在
慈谿會館考選即與體例未符亦不足以防弊
該御史奏請量撥官房作為學政公署係為慎重
重關防起見但都城官房何處可以撥用臣部
未能詳悉應請

勅交順天府詳細咨查有無可以撥用之處據實請
旨至該御史請令學政移駐保定及通州等處查保定
通州雖有考棚向係學政按臨考試生童之所
作為衙署亦恐未宜且鄉試時士子輻輳部
若令其紆道者難轉非所以示體恤所請應
庸議